

halilua anis haludung

isian mas talabal, kaupahanian a halilua macingmut mingkailas, nii tu islulunghu kikilim mas nasangkunun tu kakaunun, sausian madumdumin a dihanin, aiza amin a tasa haludung. kaaz kaupahanian man “ cilicili ” tu’i’ia, kaupahanian kahuhuzas anis taimazavmazav, nii tu kuzakuza.

aupa mais isian talabal hai supah a kakaunun, kalipuah amin a lukis anis ismuut, at supah a mahtu kaunun, amin a ludun hai masmuav tu manauaz, tuza tu tudiip hai mahtu masvalavala minghumis.

haitu miliskin a haludung tu, “ mavia a halilua tu macinpataz kuzakuza i? ” paha lalaun mas saicia tu, “ ui! halilua! mavia kasun tu macinpataz kuzakuza i? minsasaana islunghu, niibin mahtu maszang mas zaku tu kahuhuzas malisvala minghumis i? ”

haitu maldadauk a halilua malusbut kazakuza, nii tu panpanu, at antalam tu isianaang mas talabal masangkun mas nakaunun i nakaunun mais hamisanin. paha masamu kahuhuzas anis pishasibangt at mapinmamaaz mas hanian.

masa ta’aza a haludung mas halilua tu maupacia antalam hai, niin asa muskun mas haliluacia, at unung’unung tu ai! mataimang, mazava mililiskin mas namalbuntuang tu iskuzakuza i?

valavala, kanmimiing a hamisan minsuma, madas mas makazav tu hanian, anis makazav tu iv’iv, aizang makazav tu hudan, aizang makazavdaingaz tu paav matubuk mas dalah.

kaazin a haludung masauhzang, aupa ukin a kakaunun at situkulaaz. isian a saia mas lapa’avan tu dalah kanmamaitmait, makikauduzkauduz, na’asa kudiip kilim mas iahlulua.

aupa issupahan a halilua mas kakaunun, anatupa tu isian hamisan hai, nii amin tu mikua. masa taunasian a haludung sian halilua tu lumah hai, usaduan mas halilua tu manaskal mamaun. at malala tu “ haliluatuhas, mahtu masunu tu kauman kakaunun ha? masauhzangdaingaz a saikin tu namataz! ”

cinghuza a iahlulua, “ ai! suu aupa kahuhuzas tu haludunga? mavia tu minmaupatan tu? tuzain! mauna kakaununtan! mais minhatbain a kasun hai, mahtuang kahuzas pata’aza mas zami.” ta’aza mas maupacia tu haling hai, matusuhdung a haludung mubahbah.

螞蟻與蟋蟀

在炎熱的天氣，螞蟻們每天早起辛勤工作著。蟋蟀天天「噠哩噠哩，噠噠、噠噠」地唱著歌，遊手好閒，養尊處優地過日子。

蟋蟀對螞蟻的辛勤工作感到奇怪。「喂！喂！螞蟻先生，為什麼要那麼努力工作呢？偶爾稍微休息一下，像我這樣唱唱歌不是很好嗎？」

可是，螞蟻仍繼續工作著說：「在夏天裡積存食物，才能為嚴寒的冬天做準備啊！」，蟋蟀聽螞蟻這麼說，就不再理螞蟻。「啊！真是笨蛋，幹麼要想那麼久以後的事呢！」

冬天來了，冷風呼呼的吹著，天空中下著綿綿的雪花。蟋蟀消瘦的不成樣子，一點食物都找不到，蹣跚地走在雪地上。

當蟋蟀找到螞蟻的家時，螞蟻們正快樂的吃著東西呢！「螞蟻先生，我餓得要命！請給我點東西好嗎？」螞蟻嚇了一跳。「咦！你不是一直唱著歌的蟋蟀嗎？來吧！吃點東西，等恢復健康，再唱快樂的歌給我們聽好嗎？」面對著善良親切的螞蟻們，蟋蟀忍不住留下欣喜的眼淚。